



第三編

政治

行政區劃

邑境向隸思恩縣管轄土地範圍一爲三里一爲五十二洞一爲馴駐里及永安上半甲是也三里又分上中下里各設一團下里地勢遼濶設立兩團五十二洞(簡稱五洞)分上中下三額各設一團馴駐永安各設一團

光緒二十八年地方匪亂思恩全縣成立五大團以維治安三里五洞共立一統團馴駐永安共立附後團鎮懾各地光緒三十一年縣令譚鄴華詳請上憲劃分三里五洞馴駐永安等區域設立理苗撫民分府安化廳廳署於建洞九倫村(卽今之明倫街)廳之下全屬設一保甲總局局之下仍分以上里中里下里各爲一團上額中額下額各爲一團馴駐永安各爲一團

民國元年改廳爲縣曰安化縣民國二年以安化二字與別縣名同郵寄屢誤則更名曰宜北縣以其在宜山之北故也

民國三年省令設地方自治會劃分三區以三里爲左區五洞爲中區馴駐永安爲右區區之下設段每區分一二三四段每段設一團總以總理段內事務

民國七年照舊沿用三區城內成立保衛團總局總理全縣團務事宜左右兩區各設一保衛團分局總理一區之事務局之下分段每局管一二三四段段之下又設團每段一二三團每團設一團總辦理一團之事卽如(某區第幾段第幾團團總)是也

民國十五年改爲民團總局總理全縣事務總局之下設立分局左右兩區各設一分局分局之下設鄉董鄉佐(鄉董

鄉佐卽正副團總之變象）其區域仍沿用中左右區區之下仍取段名廢除團名

民國二十二年省令成立自治籌備委員會從新調查戶口因戶數僅存六千左右不足爲區遂將以前之區段名義撤廢另劃分全縣爲六鄉卽城廂鄉中和鄉（卽前之中區）治安鄉崇興鄉（卽前之左區）馴樂鄉道安鄉（卽前之右區）

五十八村街各鄉所管轄之村街名列左

一、城廂鄉 共十一村街 明倫街 龍潭村 江隆村 梅林村 龍水村 才院村 雅京村 才帛村 相堯

村 李花村 文臣村

一、中和鄉 共十一村 吉祥村 峨山村 英豪村 北宋村 學強村 學義村 上花村 永隆村 百祥村

干城村 虎榜村

一、治安鄉 共十村 黃種村 廣容村 隆道村 梁興村 朝閣村 達科村 古樂村 龍岩村 梁山村

三峯村

一、崇興鄉 共十村 安山村 爲才村 雅山村 茶山村 標山村 西興村 東興村 日興村 達興村

加興村

一、馴樂鄉 共八村 福壽村 康寧村 鎮北村 長北村 長安村 城王村 翠山村 全安村

一、道安鄉 共八村 順寧村 太平村 長治村 北山村 雅脉村 永安村 永權村 鹿洞村

全屬各鄉之墟場列左

1、城廂鄉

縣城墟 在縣城之西街每逢三六九日爲墟期趁墟人數男女約壹千人

托洞一墟 在才院村所屬離城約八里每逢初十一廿一日爲墟期約五百人

2、中和鄉

常洞七墟 在吉祥村離城二十里每逢二七日爲墟期約七百人現中和鄉公所中心學校在此

3、治安鄉

廣容二墟 在廣容村屬離城約四十里每逢初二二十二廿二日爲墟期約五百人

雅隆七墟 在梁新村下龍里離城三十里每逢初七十七廿七日爲墟期約三百人

梁洞四墟 在龍岩村板邦里離城二十里每逢初四十四廿四日爲墟期約七百人現治安鄉公所中心學校在此

4、崇興鄉

中里八墟 在雅山村肯南里離城三十里每逢初八十八廿八日爲墟期約七百人現緝私隊紮防在此

大貢五墟 在東興村大貢里離城四十里每逢五十日墟期約五百人現崇興鄉公所中心學校在此

加刷一墟 在加興村加刷里離城六十里每逢初十一廿一日爲墟期約一百人

5、馴樂鄉

馴駐九墟 在福壽村老街離城八十里每逢四九日爲墟期約七百人現馴樂鄉公所中心學校在此過此則入黔境

矣

6、道安鄉

堯道七墟 在北山村離城八十里每逢初七十七廿七日為墟期約一百人

下海六墟 在環榜里離城八十里每逢初六十六廿六日為墟期約一百人

永安九墟 在永安村離城六十里每逢三六九日為墟期約七百人現道安鄉公所在此中心學校尚在籌備建設中

按——縣屬邊僻之地交通不便各處墟場至屬微小每逢墟期人不過千市面經濟當然薄弱墟中賣品不過豬牛肉白米棉布雞鴨諸種而已至於蘇杭雜貨攤面資本不超百元之數由此可見宜北之貧難也

行政組織

清光緒三十一年創設廳治曰理苗撫民分府安化廳設廳官一員稱大老爺五品頂戴其佐治員則設刑名師爺一員補助廳官辦理一切政事及起草重要文稿賬房師爺一員管理財政出納事項照磨一員亦稱右堂租住民房不在衙內管獄一員吏戶禮兵刑工六房門房等各設一員辦事至於地方之組織設保甲總局輔佐廳官辦理全縣政務局之下為團總為村長為牌頭牌之下為戶十戶為一牌

民國元年改廳為縣設縣知事一員廢刑名師爺設司法總務典獄各員又設民事財務教育各課員選舉地方紳士任之廢除六房改為書記房設若干人至地方組織為團總村長牌長設勸學所辦理全縣教育事宜

民國三年縣設縣知事佐治員與前略同地方劃分為中左右三區每區分一二三四段每段設一團總團以下分若干

村村設村長村以下設若干牌牌設牌長以十戶爲一牌設勸學所所長管理全縣教育地方財政員管全縣財政出納

民國六年縣署組織與前略同地方設保衛團總局總理全縣團務左右兩區各設一分局辦理一區之事區以下分一二三四段段以下又分一二三團每團設一團總團以下仍爲村長牌長以戶爲單位勸學所地方財政員與前同

民國十年政變地方匪亂如麻陷於無政府地位者蓋有五年矣其間縣長雖亦有人惟無正式致社會秩序紊亂漫無組織故從畧之

民國十五年地方秩序稍見恢復前之縣公署改爲縣政府縣知事改稱縣長縣設縣長一員佐治則設承審總務典獄民政財務教育收發等各一員書記若干人地方則設民團總局左右兩區各設一分局分局之下每段設鄉董一鄉佐一協辦一團之事村牌與前同至勸學所在民十時已改爲教育局專辦全縣教育行政事宜地方財務局則管理全縣財政

民國十八年縣政府及地方組織畧與前同祇廢除民團總局改設民團參議會內有職員三人又設民團副司令一員民國十九年縣府組織設縣長一員秘書一員佐理二員助理二員內分民財教建四科承審一員管獄一員書記三人檢驗吏一員警備隊正副隊長各一員至民團司令部內有縣長兼正司令一員副司令一員副官一員參謀一員地方組織分中左右三區每區設民團局長一員支局長二員局以下爲鄉長村長甲長十戶爲一甲并有教育局財務局等機關各司其事

民國二十一年縣府組織有縣長一員秘書一員科員二員辦事員二員分科辦事承審一員管獄一員書記四員檢驗吏一員警備隊正副隊長各一員至民團司令部及地方各機關組織與前同惟廢民團參議會改設自治籌備委員會從新調查戶口

民國二十二年縣府有縣長一員秘書一員科長一員(即第三科教育科)一等科員二員(即民政財政建設三科)二等科員二員一級辦事員一員二級辦事員二員承審員一員管獄員一員檢驗吏一員書記員六人民團司令部與前同是年八月改組將地方財務教育兩局撤消財務局改為縣金庫教育局裁併縣府教育科辦理警備隊改為政務警察正副警長各一員至自治籌備委員會則調查戶口劃分全縣為六鄉每鄉設正副鄉長各一員五十八村街設村長街長以下設甲長十戶為一甲

民國二十三二十四二十五年縣府設縣長一員秘書一員一等科員二員二等科員二員一級辦事員一員二級辦事員一員承審員改為審判員一員管獄員一員檢驗吏一員事務書記一員承審書記一員民國二十三年民團司令部撤消參謀二十五年加委副司令兼副縣長合署辦公地方成立縣教育會地方財政監察委員鄉村街甲仍與前同以由幹部學校畢業生充任鄉村長職兼三位一體鄉長兼中心校校長民團後備隊大隊長村長兼國基校長民團後備隊長推行廣西三自三寓政策以期達到自衛自治自給之目的

宜北縣鄉村街甲戶人口統計表

鄉別	村街數		甲數	戶數	人口總數	
	村	街			女	男
城廂鄉	一	一	一〇六	一二九	三三八二	三六五八
中和鄉	二	二	一〇〇	二〇四	三一四一	三三九八
崇興鄉	一	〇	九九	一〇〇二	二八二一	三三三七
治安鄉	一	〇	一〇〇	九八二	二八七二	三二三六
馴樂鄉	八		七三	八三〇	二〇八九	二四五五

地方新舊組織對照表

第二區		第一區		原有區別	原有鄉名	新編鄉名	新編	村	街	數	道安鄉	總計	
中興鄉	長治鄉	吉祥鄉	城廂鄉	城廂鄉	明倫街	雅京村	江龍村	才帛村	梅林村	龍潭村	龍水村	才院村	六
崇興鄉	治安鄉	中和鄉	城廂鄉	城廂鄉	學強村	虎榜村	學義村	干城村	峨山村	吉祥村	百祥村	永隆村	五八
安山村	朝閣村	黃種村	隆道村	梁山村	龍岩村	廣容村	鼓樂村	三峯村	西興村	達興村	七二	五五〇	
為才村	梁山村	龍岩村	廣容村	鼓樂村	三峯村	西興村	達興村	八〇〇	五八五八	二九二八	五八		
日興村	東興村	西興村	達興村	一六〇九六	一八四九六	二二七五	二九二八	女	男	女	男	女	男
標山村	東興村	西興村	達興村	一六〇九六	一八四九六	二二七五	二九二八	一六〇九六	一八四九六	二二七五	二九二八	一六〇九六	一八四九六

明說	第三區	
	永安鄉	馴駐鄉
本縣原有三區因戶數不及格故不設區	道安鄉	馴樂鄉
	順寧村 永安村	福壽村 翠山村
	長治村 鹿洞村	長安村 城王村
	北山村	全安村
	雅脉村	康甯村
	太平村	鎮北村
	永權村	長北村

教育行政

宜北昔原歸管於思恩一邑光緒三十一年譚縣令始奉令分設安化廳迄今不過三十餘年未有久長之歷史在未分廳治以前其教育行政當以思恩為樞握茲將縣立後之教育行政組織概述之縣治創辦之始尚在清代教育機關為勸學所所內設勸學總董一人勸學員二人月中經費由地方欸支給迨民國成立以後勸學所內設所長一人所員二人各區則設視學員若干人民十政變教育停頓誦聲遂絕至民國十五年地方恢復常態改稱教育局設局長一人導學一人民十八改組教育局設局長一人督學二人并設縣教育委員會區教育委員會各村設學董民二十一年教育局有局長一人督學一人課員二人二十二年教育局撤消改併縣政府設教育科長一人督學一人科員一人二十四年五等縣不設科長僅設科員一人督學一人二十五年撤廢督學名義改為鄉村政務督察一人歷皆以地方欸開支近年推行教育行將普及全縣六鄉每鄉成立一中心國民基礎學校五十八村街每村設一國民基礎學校以推行國民基礎教育凡已達學齡之兒童均強迫入校受初級教育而經成年之失學男女則組織成班施以相當之成人教育以掃除社會文盲為宗旨也

宜北縣各鄉鎮村街現有學校表 民國二十五年十二月

鄉鎮別	村街別	校	別	備	註
城廂鄉	明倫街	廣西省宜北縣表證中心國民基礎學校		該校於廿四年九月將城廂鄉中心國基學校改辦廿五年四月籌設幼稚園一所六月成立上課該街係表證中心學校所在地毋庸另行設立學校	
	江龍村			該村係附近表證中心學校兒童成人易于就學暫不單獨設立學校	
	梅林村	宜北縣城廂鄉梅林村國民基礎學校			
	龍潭村	宜北縣城廂鄉龍潭村國民基礎學校			
	才院村	宜北縣城廂鄉才院村國民基礎學校			
	雅京村	宜北縣城廂鄉雅京村國民基礎學校			
	才帛村	宜北縣城廂鄉才帛村國民基礎學校			
	龍水村	宜北縣城廂鄉龍水村國民基礎學校			
	相堯村	宜北縣城廂鄉相堯村國民基礎學校			
	文臣村	宜北縣城廂鄉文臣村國民基礎學校			

										中和鄉	
											李花村
											宜北縣城廂鄉李花村國民基礎學校
											宜北縣中和鄉中心國民基礎學校
											該校係二十五年二月一日成立同年十月籌設 幼稚園一所十二月二十六日成立上課
											該村係中和鄉中心學校所在地毋庸另行設立 學校
										吉祥村	
											宜北縣中和鄉虎榜村國民基礎學校
										虎榜村	
											宜北縣中和鄉峨山村國民基礎學校
										峨山村	
											宜北縣中和鄉百祥村國民基礎學校
										百祥村	
											宜北縣中和鄉永隆村國民基礎學校
										永隆村	
											宜北縣中和鄉學強村國民基礎學校
										學強村	
											宜北縣中和鄉學義村國民基礎學校
										學義村	
											宜北縣中和鄉干城村國民基礎學校
										干城村	
											宜北縣中和鄉上花村國民基礎學校
										上花村	
											宜北縣中和鄉北宋村國民基礎學校
										北宋族	
											宜北縣中和鄉英豪村國民基礎學校
										英豪村	

治安鄉	龍山村	宜北縣治安鄉中心國民基礎學校	該校係將縣立第一高級小學校改辦成立
	梁山村		該村係治安鄉中心學校所在地毋庸另行設立學校
	朝閣村	宜北縣治安鄉朝閣村國民基礎學校	
	梁興村	宜北縣治安鄉梁興村國民基礎學校	
	廣容村	宜北縣治安鄉廣容村國民基礎學校	
	鼓樂村	宜北縣治安鄉鼓樂村國民基礎學校	
	三峯村	宜北縣治安鄉三峯村國民基礎學校	
	黃種村	宜北縣治安鄉黃種村國民基礎學校	
	隆道村	宜北縣治安鄉隆道村國民基礎學校	
	達科村	宜北縣治安鄉達科村國民基礎學校	
崇興鄉		宜北縣崇興鄉中心國民基礎學校	該校係二十五年二月一日成立
	東興村		該村係崇興鄉中心學校所在地毋庸另行設立學校

附錄思恩縣志 篇

（文貴剏作賤抄襲百乎斯言然而其中有連帶之關係不得不抄錄以供瀏覽）

有清一代本縣設訓導一員職率附學生員時加訓戒平時學官講學每月朔望須至文廟明倫堂講演讀臥碑其後浸以懈弛第每月課以一文一詩又爲八股體詩爲應制體惟學生仍須守臥碑不得妄行干涉地方事縣附生員清初定額爲八名三年一考提學使按臨慶遠閩邑童生約五六百人赴慶城考試歲試科試各取入學生八名入學後謁見訓導先議贄金贄金視學生之貧富爲衡二十兩至五六十兩不等至咸豐間土匪張標陷郡城郡守張凱嵩單騎奔思恩賴思恩紳士協力集團進圍規復郡城事平後張旋陞廣西巡撫遂由知縣王宗海詳文奏請加思恩縣學三名以後每歲科各取入學生十一名同治間學使池生春以思恩縣文學較各屬優美加撥府學一名後學使歐陽寶極又加撥四名每歲科思恩遂各得撥府五名生員在學以三十年爲期滿提學使按臨慶遠歲科並行歲試爲考核在學生員之成績而行一等生可以候補廩膳並帶考取童生附學科考爲錄取應舉而行一二等可赴考鄉試亦可補廩並帶取錄童生附學歲試生員之文藝優美者給予廩膳縣學額定廩膳生五名共給熟米一十八石一斗零四合由糧賦額內開支食餼生以二十年爲滿期期滿而貢稱爲歲貢或遇恩典則考出一恩一歲出貢期定以寅午戌年出貢後歸部銓以教職任用須三十年方可選到清初歲貢須庭試乾隆年間貢生廷試始免由提學使代考給予貢單惟拔貢逢酉年始舉

行須廷試清季變政創立學校訓導裁撤縣立勸學所爲地方教育行政機關補助縣知事辦理全縣教育行政

實業行政

邑民固守舊耕式毫無推廣實業之思想除治安鄉達科一帶之農民勤耕作廣植杉樹桐茶獲益甚豐外其他各鄉村實爲一種懶惰普遍性弗有推廣實業之觀念迨至民國七年由縣選送學生盧河一名赴南寧入省立實業研究所研究由地方款支給川資畢業回籍舉辦棉業試驗場（場址即今之苗圃）購買各種棉籽試種行約二年成績尙佳至民十政變自治軍入境事遂停辦民國十八年隆縣長武功任內組織植桐委員會提撥公款買辦桐籽分發各鄉村民戶領去種植嗣因培植不善罔收效果又由地方款項下提出數百元派人下慶買取麥本回縣分種播種之後各人不勤整理亦未見一點成績因買桐麥兩項耗費地方公款爲數不少民國二十二年縣長雲軒任內組織縣立苗圃一所（棉業試驗場舊地）設辦事員一人圃丁二人月支經費五十元又提款購買各種花木種子播植秧苗以適應各鄉領秧移植惜圃地不十分寬廣培植有限因款項困難撤辦事員僅留圃丁一人整理圃內花木剷棘芟草民國二十四年縣長李志任內令各鄉村每鄉開闢鄉林場一所每村開闢村林場一所廣植桐茶及有利益之樹木并令實行冬耕多種雜糧以救農村經濟之崩潰試以宜北全縣實業而論最發達者莫如治安鄉達科村每年收入甚大如杉木桐油菜油蜜糖香菌蔬菜等類獲益最豐各村宜仿効其良法而行或有致富之希望焉

財政

宜北邊僻小邑財政收入非常微薄除國稅省稅兩項由縣政府經徵解繳省庫外至於地方稅項即由地方財政機關

經理統籌支配每有入不敷出之嘆牽羅補屋剝肉醫瘡建設落後繳結實在在此也當開縣之始設地方統計處管理地方財政出納事項後改爲地方財政員民國十五年改爲地方財務局長民國二十二年改爲地方金庫主任歸併於縣政府內辦公茲將前代糧賦並地方欸年中收支數目逐列於左

1、糧賦

一、前代糧額（見崇興鄉西興村那環碑記）

廣西慶遠府河池州思恩縣爲踏勘田畝以定規則以便完納事今將丈過中州三里五十二洞田畝分派照數均勻永爲規定遞年照額納糧數目備開於后計開三里五十二洞原來黃冊每年額糧二百一十七石六斗正 大興村糧三十五石正東興村糧二十石正南興村糧二十石正上里糧二十八石正中里糧二十八石正下里糧一十九石正桃村糧五斗正勞村糧三斗正棒村糧三斗正花洞糧四石正獨洞糧二石正雅洞糧三石五斗正水院糧七石七斗正會洞糧二石正冷洞糧五斗正汪洞二洞糧二石正何洞糧二石正吉留洞糧五斗正述洞糧五斗正崑洞糧九斗正巴洞糧五斗正常洞糧五斗正以上各村洞共糧二百一十七石六斗折價每石合價銀四錢共計銀八十七兩零四分正

大明萬歷四十年歲次壬子孟秋谷旦立思恩縣知縣蕭鳴盛主簿江伯淮典史念大英省察孫鳳楨把總李正華覃啟嚮土舍歐瑚歐邦官

二、民國糧賦

全縣糧額於民國五年丙辰之歲王召學任內成立清賦加重至壹萬肆千伍百陸拾玖元伍角玖仙

城廂鄉糧底貳千伍百元

中和鄉糧底貳千伍百元

治安鄉糧底貳千元

崇興鄉糧底貳千肆百元

馴樂鄉糧底貳千貳百元

道安鄉糧底貳千叁百陸拾元

三、糧賦附加成數

一、省教育附加國幣三成

一、縣教育附加國幣一成五五

一、購團鎗費附加國幣五成

一、警餉附加一成五五

一、農民借貸所及農倉設備費附加三成

2、地方款

一、歲入之部

民國二十五年

一、田賦附加壹萬貳千五百二十五元

- 一、串票收入壹百壹拾五元
- 一、菸酒牌照地方附加壹百元
- 一、菸酒公賣地方附加壹百九十元
- 一、契稅附加壹拾五元
- 一、銀行公股紅息五百六十壹元
- 一、鍋廠捐壹百叁拾八元
- 一、水碾捐玖拾貳元
- 一、生牛馬捐叁百叁拾伍元
- 一、屠牛豬捐七百二十四元
- 一、菜市捐一百一十八元
- 一、木排捐三十七元
- 一、特許散銷戒烟藥膏牌照費二十八元
- 二、歲出之部
民國二十五年
一、行政費壹萬四千三百六十三元
- 一、財務費壹千零四十四元

一、文化費壹萬零零二十八元

一、實業費叁百八十四元

一、交通費七百五十元

一、衛生費五百零四元

一、總預備費二千元

以上民國二十五年度地方歲入歲出之欸係函詢地方金庫主任盧英列單送來照單紀載

官俸

縣自民十政變以後衙署迭被兵匪多次蹂躪甚至民國十九年三月間共匪陷城焚燬縣府所有一切案卷片紙無存以前之官俸無從稽查今祇由民國二十年以後之歷任俸薪列下

一、民國二十年度

二、民國二十一年度

三、民國二十二年度

四、民國二十三年度

五、民國二十四年度

六、民國二十五年度

宜北縣政府二十年五月省政治會頒發經費表

職別	員額	小月		小月		小年	附記
		支	俸	支	俸		
縣長	一	九八〇〇		九八〇〇		一一七六〇〇	
秘書	一	五七〇〇		五七〇〇		六七二〇〇	
佐理員	二	四〇〇〇		八〇〇〇		九六〇〇〇	
助理員	二	三二〇〇		六四〇〇		七六八〇〇	
承審員	一	五六〇〇		五六〇〇		六七二〇〇	
管獄員	一	三二〇〇		三二〇〇		三八四〇〇	
書記	三	二〇〇〇		六〇〇〇		七二〇〇〇	
檢驗吏	一	二〇〇〇		二〇〇〇		二四〇〇〇	

宜北縣政府二十年度經費表

職別	員額	小月		小年		附記
		洋支	單俸	洋支	合俸	
縣長	一	一二〇〇〇		一二〇〇〇	一四四〇〇	
秘書	一	七〇〇〇		七〇〇〇	八四〇〇〇	
佐理員	二	四五〇〇		九〇〇〇	一〇八〇〇	
助理員	二	四〇〇〇		八〇〇〇	九六〇〇	
承審員	一	七〇〇〇		七〇〇〇	八四〇〇	
管獄員	一	四〇〇〇		四〇〇〇	四八〇〇	
書記	三	二四〇〇		七二〇〇	八六四〇	
檢驗吏	一	二四〇〇		二四〇〇	二八八〇	

宜北縣政府二十一年度經費表

職別	員額	小月	支	洋	俸	工	計	小月	支	洋	俸	工	計	小年	支	洋	俸	工	計	附	記
縣長	一		一三〇〇						一三〇〇					一五六〇							
秘書	一		九〇〇						九〇〇					一〇八〇							
科員	二		六〇〇						一二〇〇					一四四〇							
辦事員	二		四五〇						九〇〇					一〇八〇							
承審員	一		九〇〇						九〇〇					一〇八〇							
管獄員	一		四五〇						四五〇					五四〇							
書記	四		二四〇〇						九六〇〇					一一五二〇〇							
檢驗吏	一		二四〇〇						二四〇〇					二八八〇〇							

宜北縣政府二十二年度經費表

職別	員額	國月		國月		國年		附記
		幣支	單俸	幣支	合俸	幣支	合俸	
縣長	一	一一〇〇〇		一一〇〇〇		一三二〇〇〇		
秘書	一	七〇〇〇		七〇〇〇		八四〇〇〇		
科長	一	五五〇〇		五五〇〇		六六〇〇〇		
二等科員	二三	四五〇〇		二四〇〇〇		二八八〇〇〇		
一級辦事員	一一	三三〇〇		九五〇〇		一一四〇〇〇		
承審員	一	七〇〇〇		七〇〇〇		八四〇〇〇		
管獄員	一	三五〇〇		三五〇〇		四二〇〇〇		
書記	四	二四〇〇		九六〇〇		一一五二〇〇		
檢驗吏	一	二〇〇〇		二〇〇〇		二四〇〇〇		

宜北縣政府二十三年度經費表

職別	員額	國月		國月		國年		附記
		幣支	單俸	幣支	合俸	幣支	合俸	
縣長	一	九〇〇〇	〇〇	九〇〇〇	〇〇	一〇八〇〇〇	〇〇	
秘書	一	六〇〇〇	〇〇	六〇〇〇	〇〇	七二〇〇〇	〇〇	
二等科員	二二	四〇〇〇	四〇〇	一七〇〇〇	〇〇	二〇四〇〇〇	〇〇	
一級辦事員	一一	三〇〇〇	三〇〇	六五〇〇	〇〇	七八〇〇〇	〇〇	
審判員	一	九〇〇〇	〇〇	九〇〇〇	〇〇	一〇八〇〇〇	〇〇	
管獄員	一	三五〇〇	〇〇	三五〇〇	〇〇	四二〇〇〇	〇〇	
事務書記	一	二五〇〇	〇〇	二三〇〇	〇〇	三〇〇〇〇	〇〇	
承審書記	一	二五〇〇	〇〇	二五〇〇	〇〇	三〇〇〇〇	〇〇	

宜北縣政府二十四年度經費表 (二十五年度同)

職別	員額	二十四年度		二十五年度		附記
		國幣	工計	國幣	工計	
縣長	一	九〇〇〇	九〇〇〇	一〇八〇〇〇	一〇八〇〇〇	
秘書	一	六〇〇〇	六〇〇〇	七二〇〇〇	七二〇〇〇	
二等科員	二二	四〇〇〇	一七〇〇〇	二〇四〇〇〇	二〇四〇〇〇	
一級辦事員	一一	三〇〇〇	六五〇〇	七八〇〇〇	七八〇〇〇	
審判員	一	九〇〇〇	九〇〇〇	一〇八〇〇〇	一〇八〇〇〇	
管獄員	一	三五〇〇	三五〇〇	四二〇〇〇	四二〇〇〇	
事務書記	一	二五〇〇	二五〇〇	三〇〇〇〇	三〇〇〇〇	
承審書記	一	二五〇〇	二五〇〇	三〇〇〇〇	三〇〇〇〇	

警政

光緒三十一年縣令雷公文銳奉命來縣建立聽治因帶有防軍兩營分紮各區保衛治安故未設警隊迨民二年王召學任內始設警備隊一隊警士一百名編爲十棚每棚十名計什長一名並設總隊長一名綜理全隊事務副隊長二名勸理隊內各事宜所需月餉由地方欸項支給除留三棚常駐縣署保守及維持城廂治安外其餘分由各副隊長督率駐紮邑內各區要地保衛地方民國七年梁佩祥任內以地方多故非增加兵力不足以維治安除原有警備隊十棚外又組織地方警察所一所委邑紳盧丕基爲所長所內警兵兩班則跟隨所長至中左右三區每區另設警察游擊隊一隊每隊三十名紮各區與警備隊聯絡共同防衛委地方紳士充任隊長其餉項照糧底計算每糧底一元每月捐收毫洋三角六仙充之民國十年周域任內有自治軍周元陳桂芳何海清蒙家全等於九月三十一日攻陷城池縣公署之警備隊槍枝盡被勒繳無餘警察所長盧丕基祇能帶其所屬部隊向貴州下江縣宰便退却以保存其槍械不被勒繳及民國十五年盧所長逝世後十六年隆武功任內派員往下江宰便收回其槍撥作縣政府警備隊及地方民團之用計隆任成立警備隊三班民國十九年三月間共匪迫近縣城黃縣長伯安離職携印並警槍九枝下柳交後方辦事處存留今未領回是年地方陷於無政府地位者半載有奇矣迨九月陳縣長作亮到任成立警備隊二班所用槍枝均由勦匪繳獲或向民間借用民國二十二年雲軒任內奉令改組將警備隊改爲政務警察共設三班內分衛生消防巡邏等組其槍械卽以警備隊原有之槍及總部核發充之設正副警長各一員由省委任警餉由地方欸開支

建置

城池：縣治設縣未久財力薄弱尙未建築高大城池現環圍衙署者僅矮石牆而已牆高約七尺牆脚厚約三尺牆頂約二尺不甚堅固至街坊因無城郭防禦失憑民國十七年縣長隆武功徵調民工購集材料建築署東朝洞砲樓署南體育場砲樓署西江洞砲樓共三座在風雲緊急之時可以派兵駐此防患焉

署廨：衙署係舊式屋宇構造第一進爲頭門一進三間（由下循上）右爲通報室左爲衛兵室橫右一進三間爲差房橫左一進三間爲監獄第二進儀門一進三間橫右一進五間爲兵房橫左一進五間爲書記房第三進大堂一進三間中爲法庭左右爲職員室第四進爲預審庭一進三間中設公案棹左右爲職員室連右三間爲東花廳連左三間爲西花廳橫右一進五間爲廚房橫左一進五間爲勤務室第五進爲最後一進五間爲縣長室及重要職員室民國十五年隆任將儀門一進拆卸無存民國十九年三月間共匪李明瑞二千餘人陷城土匪何老八乘機附和將衙署各房放火焚燒差房監獄大堂兵房等處化爲灰燼其餘雖未被燬亦不過僅存瓦柱而已內部則空空如也是年九月間陳縣長作亮蒞任無處辦公暫住高小校約一月有餘召集地方會議捐抽款項約二千元重新建造監獄一進大堂一進兵房一進及購料修理各房內部十二月間離開學校搬入衙署照常辦公其後歷任陸續修葺迄今稍有可觀民國二十三年雲軒任內另建廚房一進於東邊將以前之廚房改爲職員室今東花廳改爲會食室西花廳改爲辦公廳其餘各房亦隨各任之改變未有固定

廟寺：附近縣署頭門東邊清代曾建有文廟一座三間民國初年又增建廟前一進三間左右橫房接連中爲庭院嗣

後廢廟停祭則改爲團務總局警察所地方財務局教育局等機關先後就住辦公民國十九年三月間共匪放火焚燒片瓦寸木無一存焉（即現今之民團司令部）

治安鄉龍岩寺在板仁村邊附於岩口清代建造一進三間民國初年廢廟毀佛即改爲國民學校尙能敷用今屋宇猶存夏天就此避暑涼爽異常

崇興鄉迴龍寺在達興村澗打後背清代建造一進三間民國初年廢寺毀佛寺宇丟空民十政變而後地方擾亂土匪據爲巢穴負險自恃莫之敢攻邑民受害擢髮難數至民國二十年冬匪幫罪惡貫盈經大軍李營長瑞金民團指揮官羅禪禪會師圍剿不過兩晝夜攻破匪巢犁庭掃穴縱火一炬寺灰燼焉

學校：於開縣之始縣長吳敬廉任內建築兩等小學堂在才西村前距署約半里計三進每進五間內分二講堂至民國十年辛酉三月十九晚匪幫韓四約一百人乘夜潛入搶劫學校拉去學生二十餘人到宜山澗考一帶藏匿勒贖身金家資富裕之學生去銀二三千元中資去千餘元最低限度亦二三百元此次學生被拉勒贖損失數萬元之鉅大受創痛是年大局變更學校教育因而停頓民國十六年縣長隆武功恢復教育以原棧不固前車可鑒遂派民工拆卸搬運磚石移來署前山脚重新建造上下兩進每進七間橫左一講堂三間橫右兩講堂每堂三間後又增添一講堂三間四週圍牆磚石鞏固前後對角砌成碉樓防禦匪患頗有把握民國二十一年添築廚房一座五間於左側外邊關門通內此係附城學校之情形也

一、李花村校舍一座五間民國十七年隆武功任內由公款補助五十元建造餘則派民工合作現附村公所在

內

一、馴駐鄉中心校一座五間民國十七年隆任撥支公款三百元建造民國二十四年李任係蒙永祥充校長增建一座現馴樂鄉公所附內

一、相堯村小學里校舍一座五間係小學里四甲民衆捐資於民國二十三年建造呈奉縣政府核准成立分校距離村公所約四里遠

一、相堯村校舍一座民國二十四年全村公衆捐資出工合建附村公所在內

一、治安鄉中心校一座七間民國二十三年李縣長希白任內提撥公款補助及派民工建築

一、鹿洞村校舍一座三間民國二十三年公衆合建

一、中和鄉中心校三進上下每進五間橫左一進五間民國二十四年縣長李志任內提撥公款補助及派民工建造附鄉公所在內

一、古樂村校舍一座三間公衆合建附村公所在內民國二十五年建成

一、崇興鄉中心校校舍一座七間民國二十五年建造附鄉公所在內

按——以上所列皆是已成之校舍其餘各村未建成而借用民房者現已陸續籌辦大約兩年內可以先後完成也

公所：一、舊保衛團局二進每進三間民國七年建成在署前山脚學校右側

一、舊民團司令部一座五間民國十八年建成在明倫街開口

一、治安鄉公所一座三間民國二十三年建成在中心校對面梁洞四墟墟邊

一、崇興鄉公所一座七間民國二十五年建成并附中心校在大貢五墟墟邊

倉廩：民國四年成立倉廩兩座建於縣署之內一曰東義倉在東牆邊一曰西義倉在西牆邊至民國十年九月間自

治軍破城倉廩乃被拆燬無餘現由李縣長志另在明倫街街尾舊民團司令部內另行修建名曰縣農倉

祀典：縣署頭門東邊前設有文廟一座春秋行祭由縣官率領勸學所長員及學校校長在城員紳恭行奠祭於先一

日榜示使各準備與祭其文云「廣西宜北縣爲祭祀事某月某日致祭 至聖先師孔子所有與祭生及祭祀

各生均宜預期齋戒恭行典禮須至榜者」正獻主祭官縣知事某某陪祭生某某 春秋二祭啓五更一點縣

官穿朝服與各官親詣 大殿唱起鼓奏樂執事生各司其事正獻主祭官就位瘞毛血迎神位跪九叩首禮與

奠帛行初獻禮引唱正獻主祭官行初獻禮詣盥洗所盥洗淨巾升階登堂入室詣酒樽所司樽者舉樽酌酒致

祭於 至聖先師之神位前跪奠帛獻爵叩首興贊唱讀祝引唱詣讀祝就位跪贊唱陪祭官皆跪引唱讀祝讀

畢叩首興復位贊唱行亞獻禮引唱主祭官行亞獻禮升階登堂入室詣酒樽所司樽者舉樽酌酒致祭於 至

聖先師孔子之神位前跪奠帛獻爵叩首興復位贊唱行終獻禮引唱主祭官行終獻禮升階登堂入室詣酒樽

所司樽者舉樽酌酒致祭於 至師先師之神位前跪奠帛獻爵叩首興復位贊唱飲福酒受胙引唱詣飲福位

跪飲福酒受胙謝胙叩首三興復位贊唱撤饌送神就位跪行三跪九叩首興奠帛者捧帛司爵捧讀各詣其所

望燎灌爵禮畢退班開導回衙須至禮節者除祭文廟外別無祭祀而此項祀典民國初年已廢矣

文廟祝文 維先師德隆千古道冠百王揭日月以常昭自生民所未有屬文教昌明之會正禮樂節和之時辟雍鐘鼓咸格荐以馨香泮水膠庠益致嚴於籩豆時屆仲春欣逢祭日虔修祀典用展微忱尙饗

附錄武廟祝文 主祭官某某致祭 忠義神武靈佑仁勇威顯護國保民關聖帝君之神位前曰維 帝浩氣

凌霄丹心貫日扶漢室而彰信義志在春秋秉大節以篤忠貞威行華夏神明如在遍祠宇於寰區靈應丕昭荐馨香於歷代屢徵異蹟默佑羣生茲值佳辰遵行祀典筵陳俎豆几奠牲醪祇荐馨香仰祈鑒格尙饗

倉儲：縣屬向設東西兩倉在縣署之內由各團甲抽谷送倉每糧一角抽谷五斤存儲選委地方公正殷實者負管理之責名曰總理協理其經費由義倉紅息項下提支糶糶期間規定每年四五月間放谷救濟平民十一月間收谷入倉每百斤紅息二十斤行之數年貧農救濟有賴至民國十年九月自治軍入境存谷爲其散失倉廩被其拆燬積年之基金掃蕩無餘矣民國二十三年省令組織鄉村學倉團倉農倉全縣五十八村街每村街按定置倉一座照糧底抽谷每糧百斤抽取十斤入倉存放以作救濟貧民及作各村基校資金現各村經已遵令成立照章抽儲

自治

邑民風氣閉塞智識淺陋對於自治無高尙之程度惟保甲法在隸於思恩時代已實行設置團總分編村甲清查戶口編釘門牌一家妄行九家糾舉發生匪警聯絡援擊宣統年間縣令張松齡奉令頒行地方自治章程成立自治籌辦公

所自治研究所召集地方公正紳士研究自治章程則三個月滿期舉行投票選舉自治人員縣城立董事會鄉立鄉事會辦理地方自治事宜又成立參事會公選公正紳士爲會員行之數年袁世凱改行帝制通令廢止自治機關此自治之一停頓也民國八年恢復地方自治民國十年大局政變自治軍興人自爲政家自爲謀土匪蠶起民不聊生地方陷於無政府地位者半載矣自治事宜不能推行此又爲之一停頓也民國二十年省令舉辦清鄉殲除匪類中左右三區每區設一民團局及民團支局局以下設鄉村甲以十戶爲一甲以甲爲單位實行聯環保結一家通匪九家同罪至今依此沿行無大改變此又自治之大概情形也

兵防

一、廣容營房一座在治安鄉廣容村板光里村頭於清咸豐年間貴州苗匪王鳳作亂侵擾邊境前清舉人韋繼新辦團爲維持地方治安計乃於此建築營房一座四圍築土爲牆駐兵防堵以防苗亂至今舊址猶存

一、鹿洞營房一座在道安鄉鹿洞村玉華里對面於清咸豐年間因土匪滋擾無有寧日前清廩生蒙恩詔在此建築營房駐兵防守以維治安今舊址猶存

一、中里八營房在崇興鄉雅山村屬肯南里於光緒三十一年土匪出沒無常時出爲患縣令雷公文銳在此建築營房一座派兵駐守以保治安民國十年政變匪燬無存

一、堯道營房在道安鄉堯道墟因該地距城遙遠屢被匪擾於民國七年縣長麥應榮提出公款就此建築營房一座駐兵防守維持治安現已傾圮無存舊址尙在

一、宜北縣分爲六鄉五十八村街民國二十三四年每村建築哨壘一座於險要隘口派遣團兵防守以杜匪患均經先後築成

寇警

宜邑向屬思恩所轄與貴州昆連古稱蠻地蠻獠等族雜居清乾嘉以前有無寇警發生無志可考自乾嘉以後下鄉旁搜採訪前輩昔日筆記存稿載清代道光末年洪楊起義盜匪乘起咸豐初年有外匪朱四九約千餘人竄至中里八墟一帶滋擾時有前清舉人韋繼新約集團練會同武技韋金部攻破匪幫匪勢不支潰向三防逃去地方得安

咸豐末年太平軍翼王石達開派兵進據思恩城貴州苗匪王鳳作亂率黨千餘人竄擾治安鄉廣容二墟一帶舉人韋繼新督練勦捕匪潰向貴州逃去後韋公遂在板光村頭建築營房以防苗患現舊址猶存

同治初年治安鄉龍岩村板仁里梁上達與韋繼新因事涉訟至省上達被禁詎其通神脫網潛行回里勾結貴州九千里苗匪簡大王帶黨數百人與韋繼新城門尋仇報復焚燒韋繼新團局房屋梁黨愈聚愈衆地方受驚韋舉家避思恩盤谷寨方滌山寓吟詩設教數年之久其詩句有云「六年團總已無家」時上里韋梁兩姓各分黨派互相尋殺靡有寧日遂有韋梁械鬥之語後經縣官及地方團紳調和糾紛方止

同治次年貴州九千里苗匪簡大王竄入思恩攻陷縣城孔營長禦敵敗走思邑盡遭蹂躪後集兵圍會勦苗匪潰散竄入宜北燒殺劫擄無所不爲時團總莫如勤盧丹成集團捕勦匪力不支敗退向貴州而逃地方始得安寧

光緒初年城廂鄉才院村清附生莫夢弼與思恩葛姓合股開鐵廠因利色私忿釀成大禍初涉訟於縣不決互控至省

葛勝莫負莫被禁於省運神脫網潛回鄉里號召黨徒謀舉大事四方歸順者絡繹不絕聚成千衆聲勢浩大自稱順德王駐紮才院村其公館對聯云「炮响動地驚天胡子聞聲喪胆旂開遮雲蔽日黎民引領歸心」又檄文云「蓋聞帝王崛起發於畝畝者孔多豪傑迭興出自布衣者不少是故高王以亭長興兵洪武以牧牛起義開漢四百年之基業成明十七代之山河上觀往古下察來今惟恐無虎賁之臣何患無龍飛之日孤自少攻書及長肄業芹花曾採於黌宮丹桂未扳於月窟自笑漢豕臣子反蒙胡虜冠裳揆諸天理其何以順叩諸人情其何以安况乎謝令不仁殘民以逞清廷無道暴政肆虐華夏坐於塗炭蓋亦有年中原困於倒懸殆非一日孤日不忍見耳不忍聞反清復明之計早成變夷用夏之行未就復思不大困者不大亨不奇窮者不奇達且被葛姓之捏成受貪官之屈辱仰伏皇天保佑坭馬渡河全憑烈祖威靈白光引路豈非命也信是天乎現今坐才院之村無異咸陽鞏固守連天之隘何殊劍閣崎嶇策士謀臣如雲如雨慣戰能爭勳云幾百荷戈負戟何止數千天與人歸神推鬼助以此制敵何敵不摧以此攻城何城不克蠢矣謝保年臨下里而魂飛天外野哉吳景亮過中州而魄散空中不有蔡陽之力難舞關聖之刀孤糧已足而兵已精謀已成而事已舉不日兵攻桂嶺馬渡環江凡屬洋鄉畢窳葭李之誼乃若梓里分明瓜葛之親如列謀功之輩同具攻城定加獎賞務農安分之家諭其迴避免受驚恐先此曉諭咸使聞之欽哉勉之」當時四鄰聞風附和葛姓懼迭呈請縣官小有懼色詳請派兵攻討省憲遂派臬司李秉衡帶省防軍并調湘軍到思恩城聞莫聲勢雷屯雲集不敢直衝開軍事會議分路進兵光緒十年四月蘇元春帶湘軍由馬口洞進董管帶由永安路進蘇軍奮勇猛進先占地勢莫退回中河四月初八日在河對戰一小時蘇軍槍械犀利莫只鳥鎗咭槓鏢桿隔河交戰力不能敵遂奔北而退當日如王帝逐鹿之

戰是日天日有重輪光彩四射此亦異徵莫兩兄弟星夜奔走竄入黔省古州潛藏再圖大舉其部下參謀羅壽山心懷叵測貪賞反擒夢弼夢葵兩兄弟解送邀功弼葵遂在思授首示衆時盧公丹成與思恩葛姓有親戚之誼亦爲莫所忌惹起糾紛雙方發生鬥爭親戚因受牽連損失不少

道光年間鹿洞塘善村附生覃昌明家資巨富於六月六日晒銀爲家工窺見垂涎私引苗匪百人左右各持刀矛黑夜中搶劫其家貨物一空團總蒙恩詔起團追捕苗匪竄逃

咸豐年間北宋村盧公式慎曾任雲南藩庫太史卸任回籍頗有所積時當地方不靖藏避山寨內匪勾引外匪數十人破擄其寨貨物盡空全家男女老少被害九命後盧公建旌表牌坊於其村前印有一門九烈簡冊

光緒廿八年游土各匪盤踞思恩下幹一帶八月十五日游匪傳連興千餘人上到建洞（即今之縣城）嘯聚住兩日勒令附近村庄老壯人等歸附揭舉紅旗在朝洞開台拜會對衆演說順吾者生逆吾者亡地方民衆驚慌失措紛紛逃上山寨躲避匪幫從此連續而來

光緒廿九年繼有游匪朱五徐大林華堂等幫聚成萬衆先後上來駐滿三里五洞勒捐紅牌焚舍劫寨無所不爲邑民受害不勝枚舉據約一年後經大軍龍濟光統領率隊勦擊追至思恩廣南洞交戰數日匪敗全幫遂撲滅焉

民國四年外匪李媽拐老皮股等幫在左區邊界出沒無常時來搶劫左區各村拉生勒贖地方惶枕不安

民國十年三月十九晚上匪幫韓四劉安廷潛入縣城搶劫高級小學校拉去學生二十餘人帶至宜山屬溯考一帶勒贖身金或數百元或數千元此次學生被拉損失共數萬元之鉅大受痛創

民國十年九月二十一日自治軍陳桂芳周元何海清蒙家全等共千餘人陷城縣長周械避往東門佛建岩內被勒繳印空手還鄉自治軍佈告收糧又按每牌捐取毫銀七十五元白米一百斤豬肉五十斤送濟軍需倘有違抗燒殺劫掠崇興樂才交寨被匪攻破拉去男女數十人貨物擄去十一月警察所長盧丕基向貴州下江縣請得友練數千人回鄉時我邑蒙俠任下江縣長同來援宜與自治軍交戰克復城池因糧餉缺乏支持不久城又失陷全邑被匪燒房者數十村損失不計其數由本年起地方匪黨愈出愈衆演兇兇民受蹂躪慘不堪言因大局變更省憲無力維持

民國十一年韓彩鳳韓彩輝韓瑞琪楊世昌約千餘人盤據城池捐米每牌一百斤豬肉五十斤並征收糧賦接濟軍需是年外匪劉安廷蔡鴻生等幫相繼而來本地土匪乘機起匪館林立勒抽銀米霸收墟捐紅旗遍地瘡痍滿目塔綯共岳者有之姪殺其叔者有之生殺予奪民不聊生

民國十二年正月韓軍下思恩進慶遠隨有外匪龐德階舒老六黃生賢等幫接踵而至就地捐款供其食用又有黃秉風竄擾治安鄉破殘洞山寨拉人無數擄物一空是年全縣盜匪如毛無一片乾淨土三枝槍爲營長五條鎗爲司令彼此稱強甲乙稱勝地方廬舍邱墟田園荒蕪真難言慘狀

民國十三年劉安廷劉中球蔡老甲黃用舟等嘯聚縣城戴老水章鉄虎據右區惟是年時常不下千餘人滋擾各村人民有田不能耕有家不能歸避居山野露宿風餐環顧鄉里舉目荒涼

民國十四年五月十四日雲南紅頭軍唐繼虞李友勳二萬餘人過境停駐數日地方谷米爲其擄盡卽向貴州而去是年土匪充斥又加大軍數萬經過米糧因之大貴每毫銀壹元僅買得白米三觔皆由苗山三防運來救濟民衆餓死不知凡幾樹皮草根挖食殆盡餓孳載途白骨滿田九月韓軍復來沈鴻英二千餘人同時蜂擁而至分駐遍邑軍用米餉悉皆就地籌給人民自此重責痛苦不堪十二月向貴州而去誠空前未見之奇災

民國十五年匪幫蔡鴻生覃老雷散駐左右各區搶村劫舍拉人擄牛上峯派來正式軍隊數百人攻破崇興崇大貢寨殺斃匪徒數十人地方匪患稍減一二至十一月沈鴻英部隊數千人由貴州而來盤據各鄉捐米每牌二百斤猪肉五十觔駐月餘仍退由貴州而去

民國十六十七十八等年地方盜匪遍地充斥農村痛苦與前無異

民國十九年三月間共產黨李明瑞張雲逸陳豪人共數千人陷城兇惡異常殺人放火姦淫擄掠種種暴動無所不爲焚燒縣政府各房以及卷宗化爲灰燼殺害團總章茂松一命情狀至慘其黨送與土匪何老八槍枝數十桿助張匪勢何匪住肯地岩固然殘暴宜北受其禍害指不勝屈得有共黨補助槍械增加勢力兇燄益張地方受害水深火熱共黨去後六月間黃聘三約千餘人由羅城三防路而來駐城月餘勒捐軍米每牌三百斤人民苦不堪言民團副司令覃秉政隊長覃績被其殺害慘狀難書是年永安有匪幫章文標數百人嘯聚下城一帶左區有闕康蔡鴻英等匪幫聯絡本地土匪百餘人駐據迴龍寺爲巢穴燒殺劫擄無惡不作

民國二十年十一月省憲派大軍營長李瑞金會同民團指揮官羅禪樞統率大兵臨境圍剿廻龍寺匪巢攻兩晝夜遂破當場擊斃匪徒不計其數生擒者數十人起獲被擄難民多命貨物甚夥犁庭掃穴匪風遂熄而永安章文標匪幫因其狡兔多窟不易勦洗上憲乃利誘其出編帶下柳州設計逐一綁縛盡行斬決無一漏網是幫由此完全撲滅矣

民國二十一年地方匪患完全除淨省令清查戶口舉辦清鄉組織民團訓練民衆近幾年來邑中安靖慶享太平人民在數年前逃避山寨者今已回家安居田園之荒蕪者今已陸續墾耕若從此以後安堵無驚則元氣不久亦可恢復原狀也

民國二十四年八月間思恩匪首何老八蒙十二代住肯地岩經民團指揮部派兵會同思恩宜北兩縣起圍會勦圍攻十餘日破入匪岩擒獲何老八蒙十二代解下思恩縣斬決梟首示衆兩縣人民痛快淋漓額手稱慶現邊境已無匪患矣